

江蘇省立蘇州圖書館槩況


上海图书馆藏书



A541 212 0014 5095B

上海  
圖書館  
藏書

本館園林之一角



吉梅胭脂紅

# 江蘇省立蘇州圖書館概況

三十六年七月

## 上輯

(一) 設館沿革 本館創立於民國三年九月，定名爲江蘇省立第二圖書館，館中藏書，大都爲正誼書院學古堂舊物，而江蘇官書局，亦於是年由館接收。十六年四月，增闢報章閱覽室及兒童閱覽室，七月改稱第四中山大學蘇州圖書館，逐漸增置科學藝術及出版新書，並仿杜威十進分類法，參照各圖書館分類方法，改訂編目大綱，整理圖籍版片，成立圖書出借室。十七年二月，改稱江蘇大學蘇州圖書館，七月復改稱中央大學區立蘇州圖書館。十八年七月，江蘇教育廳制回復，遂改稱今名爲江蘇省立蘇州圖書館。十九年分設民衆圖書館，並舉辦巡迴文庫及民衆學校民衆閱覽處，更建築兒童閱覽室，增闢雜誌閱覽室。嗣後積極擴充，與年俱進，收藏圖書達十萬冊以上。二十六年一月，舉辦吳中文獻展覽會，極一時之盛。七月抗戰軍興，除將特藏圖書全部移藏保全無損外，館中一度爲敵軍所佔，留館圖籍書版，以及館舍器物，均有相當之損失。二十七年五月，始由僞政府派員維持。三十四年八月，河山再造，日月重光。九月奉令接收，十月始克恢復，逐步整理，漸入常規。至回復舊觀，則尙有待於經費之寬籌焉。

(二)館舍支配 館舍在蘇州盤門內滄浪亭前之可園，爲正誼書院學古堂存古學堂遺址。有荷池梅嶺浩歌亭博約堂等。花木扶疏，泉石幽蒨。分設圖書閱覽室，報章閱覽室，兒童閱覽室，圖書出借室，特藏書庫，普通書庫，版片儲藏庫，館長辦公室，各部辦公室，會議室，演講室，儲藏室，館員室等，合計八十餘間，占地約八畝有奇。館外環境幽靜，南對滄浪亭及五百名賢祠，今有美術館及美術學校設其中，祠後爲南禪寺。北爲實驗小學工專學校。東爲縣立中學，縣立醫院，結草古刹。西爲舊府學宮植園，現正籌設文獻館。西北爲蘇州中學。本館適居蘇州文化區之中心，閱者靜對一卷，精研百科，稱爲讀書佳地。

(三)組織大綱 本館現有組織，除館長一人總攬館務外，暫設總務編目典藏推廣四部，各設主任一人，幹事助理幹事各若干人，分掌各部事務如次：

1. 總務部 掌理文書會計庶務繕校等事項。
2. 編目部 掌理訪購登記目錄編撰等事項。
3. 典藏部 掌理藏書皮版裝訂傳鈔等事項。
4. 推廣部 掌理閱覽流通教育統計等事項。

另設館務會議，圖書審購委員會，研究輔導委員會，經濟稽核委員會，以及設計委員會等，均由館員選舉代表組織之，除經費稽核委員會外，均由館長主席，館長缺席時

，得指定主任代理之。

現任館長蔣鏡寰（字吟秋，民國十一年到館，歷任各部主任，二十四年十二月升任館長。）

現有主任及幹事助理幹事共九人，僅佔戰前館員總數三分之一。

(四) 經費概數 本館經常費，由江蘇財政廳按照教育廳核准預算數，按月撥放，惟臨時費則視實際需要呈請核准後具領之。自抗戰勝利，奉令復館後，除臨時費多用於運回圖書及修理館舍外，所有經常費極為短少，深感不足。三十四年十月至十二月每月一萬元，三十五年初每月三萬三千七百四十元，後追加為六萬七千六百元，終形拮据。全年事業費為六十萬元。三十六年起始逐有增加，隨時調整。

(五) 館藏圖書 抗戰之初，除將特藏圖書，全部遷藏，而得安全外，所有留存館中未及出之移普通圖書，在淪陷期間，損失約百分之十八。至原有雜誌期刊，及報紙彙訂本，全部損失，殊為可惜。最近統計如次：

- |         |       |        |
|---------|-------|--------|
| 1. 普通圖書 | 六九九六種 | 五六一七九冊 |
| 2. 特藏圖書 | 一五五八種 | 一九八七四冊 |
| 3. 出借圖書 | 三四五〇種 | 四六〇二冊  |
| 4. 兒童圖書 | 二四五種  | 二六八冊   |

5. 巡迴文庫 一一九〇種 一四七三冊

總 計 一三四三九種 八二三九六冊

(六) 館藏書版 本館所藏前江蘇官書局木刻圖書版片，分存版庫十二室。因二十六年十一月至二十八年五月間，館舍爲敵軍所佔，版片多被生火燒燬，以致凌亂間缺，經整理清查後，損失約百分之二十二。他日補刻添配，工程浩大，不僅本館最大之損失，而亦吾國文化之巨厄。現存版數如次：

1 叢類 四三一三片 2 經類 一五六三四片

3 史地類 一八九四九片 4 哲學宗教類 一一六八片

5 文學類 一二二三五片 6 社會科學類 三七九片

7 自然科學類 五六〇片 8 應用科學類 二五〇片

總 計 五五九〇七片

(七) 目錄種類 本館圖書目錄，有片式書式之分：

(甲) 片式目錄

1 種類目錄片

2 書名目錄片

3 著者目錄片

4 分析目錄片

5 其他互見介紹等片

以上各片，隨時編製，分插目錄櫃中，以備閱者檢查。

(乙) 書式目錄

1 普通圖書目錄

2 特藏圖書目錄

4 著者索引目錄

3 書名索引目錄

5叢書分析目錄

歷年彙編書本目錄，以便保存而資翻檢。

(八) 分類述要 本館舊時藏書，國學圖籍，實居多數。編輯目錄，向以經史子集叢五部分類，別以科學藝術教育等書曰新部。十六年後，始仿杜威十進分類法，參照各圖書目錄，及各專家著述，就本館藏書所宜，釐訂分類法。新舊圖書，依類相從，部居既詳，閱者稱便。其大綱如次：

○○○	總	類	一○○	經	類
二○○	史	地	三○○	哲學宗教	類
四○○	文	學	五○○	教	育
六○○	社會	科學	七○○	自然	科學
八○○	應用	科學			
九○○	藝	術			

(九) 閱覽統計 本館閱覽分在館閱覽及借出閱覽兩種，除每星期一為例假外每日閱覽時間及出借時間，規定如下：

三月至九月	上午八時至十二時	下午一時半至五時止
十月至二月	上午九時至十二時	下午一時至四時止

閱覽人數根據三十五年統計：

在館閱覽者 每月平均六七二〇人 每日平均二四〇人

借出閱覽者 每月平均一一七六人 每日平均四二人

(十) 借閱手續 來館閱覽圖書，或借出圖書，其手續如次：

1. 日報雜誌及兒童書，可以自由取閱，惟不得攜出室外。
2. 各類圖書，均須先就目錄檢查。

3. 將所需圖書，在取書單上依法填註書名著者冊數等，然後交出納處取書。閱畢，仍還原處。

4. 閱覽時須遵守本館閱覽規則。

5. 兒童室以初中以下程度，年在十六歲以下為限，並受館員之指導。
6. 借書室借書，須先填具保證書，領取借書證，憑證借書，如期歸還。

# 江蘇省立蘇州圖書館概況

## 下輯

### (一) 移藏經過

抗戰之初，迭奉政府指示機宜，爲求圖書安全計，於二十六年八月十

四日，蔣藏長鏡寰，督同館員，將館藏重要圖籍，分裝八大箱，作第一次之移藏。翌日，蘇城即大受轟炸，嗣後逐日率同館員，在飛機轟炸聲中，冒險工作，將所有特藏部分，繼續包裝四十箱，於九月四日作第二次之移藏。分儲距城百里外太湖中之洞庭東西兩山，協同委員，謹慎保管，經過詳情，隨時密呈。時蘇城雖屢被轟炸，而館中普通書籍，仍開放閱覽，未嘗停頓。直至十一月十五日，駐軍移撤，秩序失常，各機關紛紛他遷，本館亦暫移藏書所在地臨時辦公，至十二月底，除指定保管人冒繼續保藏外，其餘始各分散。八年之間，歷盡艱危，備嘗險阻，幸賴東山鑑塘小學校長周知辛，西山色山寺住持聞達之苦心協助，百計維衛。雖威脅利誘，而堅貞不移。卒得安度難關，成全終始。所有保管經費，先則借墊濟急，繼則請撥公費，由駐滬辦事處轉發，爲數極微，月僅數十元，不敷甚鉅。終則并此少數之保管費，亦告中斷，而環境益惡，應付愈難，不得不盡力維持。直至戰事結束，奉令復館。遷藏圖籍，亦於三十年四月，全部運回，計四十八箱，一千五百五十種，一萬九千八百七十四冊，完好

無損。宋刊元槧，珍本祕籍，歷劫不磨，不可謂非吳中文物之幸事也。

(二)復館情形 淪陷期間，曾由僞政府派員，辦理僞館，直至三十四年八月，勝利來臨，秩序漸復。八月初，江蘇省政府江南行署，江蘇省政務廳，先後推進到蘇，規畫復員，當即分別呈報八年間移遷保管情形。嗣奉江南行署劉主任秉哲第五四七三號指令內開；呈悉，賚該館長于敵機肆虐蘇垣危急之際，督率所屬，搶運典籍，並于八載淪陷之中，保全原物，殊非易事云云。又奉政務廳王廳長公嶼第一六三號指令內開；呈悉，該館長保管重要圖籍，歷經艱辛，竟獲安全，殊堪嘉慰云云。復于三十四年九月二十五日，奉江蘇省政府政務廳廳長王，令派二十六年前原任館長蔣鏡寰，會同督學彭大銓朱稚山編審李廷傑到館接收。據僞政府所派負責人員聲稱，館內駐有南京先遣軍第二師四團二營五連部隊，查視館中房舍，多半被佔，器物用具，凌亂不堪。且有軍人眷屬，寄宿儲藏版片庫中，難免損壞散失，生火煮飯，火警尤爲可慮。事關文獻安全，因卽商請駐軍遷出，然後逐日點收圖書版片器具文卷等。至三十日竣事，先行保管，旋于十月十二日，又奉江蘇省政府王主席懋功令，委原任館長蔣鏡寰復任館長，恢復館務。

### (三)館務紀要 復館以來，除日常固定工作外，關於重要館務，列舉數端：

1. 檢點留館圖書 檢點戰期內未及移藏之普通圖書，六九九六種，五六一七九冊，損

失二〇三八種，一二七八九冊，約占百分之一八。審查敵性違禁圖書，分別銷燬或封存。

2. 清查木刻書版 清查館藏官書局木刻書版，殘存一六六種，五五九〇七片。損失二二種，一八一七九片，約占百分之二二。

3. 整理舊編目錄 核對分類書本目錄一種，加註標記，分別存佚。整理著者卡片目錄全份，修正補缺，依檢字法排比。

4. 運回善本圖籍 運回戰期移藏洞庭東西山之善本圖籍四十八箱，凡一五五八種。一九八七四冊。補正書標，修訂脫線。

5. 推廣出借圖書 為便利閱覽人起見，除庫藏圖書，只限在館閱覽外，另選普通圖書之一部，專供借出館外之用。現有出借圖書三四五〇種，四六〇二冊。借書人數，每月平均一一七六人。

6. 徵募特庫書櫃 特藏書庫原有書櫃，於戰期全部損失。經地方人士學術先進之發起徵募，多方贊助，已經徵到七十架。

7. 編訂特藏目錄 將運回特藏善本，分類整理，編列目錄，先以油印本彙訂備查。

8. 徵集吳中文獻 已經徵到者：有崑山趙氏又滿樓叢書等版片，吳縣王氏家刊詩學詳說等版片。番禺葉遐庵先生舊藏乾隆出土玉器，已移至上海博物館。杜鴻泥先生舊藏留園石刻墨拓

全份。葉楚僑先生遺物印章等。金松岑先生遺物虎邱冷香閣探梅第二園。最近徵購鄧氏羣碧樓書版錢慕尹先生購贈劉氏聚學軒家刻書版等，均極名貴。

9. 舉行學術演講 特設演講室，按時舉行學術演講，思想訓練，以增進閱覽人利用圖書研究學術之興趣。所有講師，特約學術界名流，及各大學教授擔任之。

10. 修繕館舍庭園 館舍多係舊時建築。抗戰期間，一度爲敵軍所佔，損壞極多。其後雖經僞府派員維持，類皆因陋就簡，未能多加修葺。接收前，又經先遣軍隊駐佔，屋舍損壞益甚。復館後，曾作兩期之修繕；第一期爲各閱覽室、及普通書庫，與庭園走廊。第二期爲特藏書庫，及版庫走廊，與館後圍牆。

(四) 進行計劃 三十六年度應行進行事項，擇其重要項目，列舉如次。欲其一一見諸實施，則有待於工作人員之增加，與經臨各費之寬籌焉。

1. 發起徵書運動 本館經費不裕，未能添購多量圖書，因特發起徵書運動，分向收藏家學術家以及出版界，徵捐圖書。無論舊藏新著，兼收並蓄，以充庫藏而增效用。

2. 編印統編書目 本館書目，除卡片目錄僅供閱覽室之檢查外，所有舊印書本目錄，則因時隔多年，後增新書，未能兼賅。急須統編分類之圖書總目，以使館外人之翻閱與檢查。

3. 徵集抗建史料 八年之間，抗建史料，亟待蒐集。舉凡有關抗戰建國之文字相片傳

記論文等，均爲至有價值之史料，必須盡量徵采，以廣流傳，而永保存。

4. 訪補殘缺叢書 本館所藏各種叢書，歷時既久，又經變亂，不免有殘缺不全者。俟將細目詳爲核對後，另編叢書殘缺書目，以備隨時訪補另種，以成全璧。

5. 設計擴充書庫 本館普通特藏兩庫，原有樓屋，載重過量，危險堪虞。此後續增圖籍，不得不設法擴充，以資容納，而便管理。擬在原有兩庫間，添建樓屋三楹，而以走廊廊房貫通之。

6. 舉辦中心展覽 本館戰前曾舉行梅花圖籍展覽會，及吳中文獻展覽會。今後仍擬按年舉辦中心展覽一次，名稱時期臨時決定。（本年三四月間已舉辦古籍名畫展覽會一次，會期七天，觀者萬人。）

7. 煎煮木刻書版 本館舊藏新增之木刻書版，雖多散缺，而極有文化上之價值。他日修補殘缺後，仍可印行流通。惟久未煎煮，易於蟲蝕。故煎煮書版，或注射防蛀藥物等，均屬急切要圖。（最近徵集私家書版，數量逾萬，正在陸續整理中。）

8. 擬編蘇州叢書 本館對於各地均有地方叢書之編輯，擬就本館所藏地方掌故圖書及先賢遺著等，選編擬目，分期輯印蘇州叢書。

9. 編印館刊館報 本館原有館刊，按年編印，又有讀書樂館報一種，附刊於當地報紙，每半月一次。專以報告館務，介紹圖書，以促進圖書館事業，實施社會教育爲主。

旨。此後擬先恢復館報一種。

10 推廣流通事業 本館原有分館，民衆閱覽處，巡迴文庫，民衆夜校，流通書車，壁報等事業，正籌謀進行，次第實施，以復戰前之舊規。

### (五) 徵書啟事

敬啓者，敝館爲實施社教發揚文化機關，徵集圖書，多多益善。抗敵

期間，原有善本，遷地保藏，得免散佚。而留館圖籍，細加檢點，已有一部分之損失。至舊藏雜誌報紙，則全部無存，尤爲可惜。而新出版之刊物，又以限於經費，僅事酌量采購，誠不足以贍閱者之望。是以不得不廣事徵求，以充庫藏，而惠士林。敬希關心社教諸君子，首先倡導，慨予捐贈。或惠頒新著，或分贈舊書；或出自先德之遺，或得諸坊間之本；無論叢書專集，方志地圖，雜誌拓本，以及科學書，外國文，雜著小說之類，倘荷惠賜，靡不歡迎。如有出版界諸執事，加以贊襄，尤所感切。庶幾易復舊觀，激增新藏，邦人士必樂助其成也。鏡寰綱短汲深，材幹任重；職司守藏，常懷抱守殘缺之心：事等乞鄰，非爲掠美市恩之舉；迨蒐羅旣富，允增東壁之輝：斯沾溉良多，勝決西江之水。館長蔣鏡寰謹啓

# 江蘇省立蘇州圖書館概況

## 附錄

### (一) 完書記

東虜窺上國，垂五十年，國之關河阨塞，水陸津要，瞭若掌上觀螺文。即國內公私所蓄金石書畫藝文等，靡不覩伺簿錄。其民族富於剽盜性，往往掉臂遊中原，意所欲，輒巧偷豪奪以去。丙子之冬，我師敗績，竊寇長驅江浙，兵所至，必有專家執籍隨其後。蘇州潘氏之尊彝，常熟瞿氏之祕籍，南潯龐氏之法書名畫，皆以先事置善地得完。而公園中吳縣縣立圖書館，及中國國學會，余所徵求四方之書，以不中程火之，火三日不息。獨滄浪亭畔省立蘇州圖書館之書，幸得免於難，則蔣子吟秋之功，有足稱道者。方軍事之初起也，敵機翱翔瞰蘇城，投彈以示威。蘇人大奔逃。吟秋獨率館員以廣柳作箱，實宋元槧精本書，爲箱八，先移至洞庭東山，交鑑塘小學校長周知辛，藏諸密室。虜騎浸深入，復以精本四十箱用巨舶出胥口，渡湖，置包山寺，交佐持聞達，聞達奔之滿月閣爲複壁以障之。虜將屢詢書所在，不可得，蘇人或知之，亦不以告也。吟秋教授於滬，八年不歸，余謂聞達包山山嵐環繞，氣不得泄，得無悉發以傷書乎？抑蠹入而鼠穴焉，因以殘厥紙乎？曷破壁發緘使受風日耶？聞達力承無他害，余固笑而不信焉。虜軍降，當道者督吟秋歸理故籍，

先後運還兩山所藏，都四十有八箱，計一千五百五十八種，一萬九千八百七十四冊，完好無損。所費舟輿人力爲法幣五十萬，而留置館中之尋常閱覽本，多數亦無恙，嗚呼，可謂艱且卓矣！守國土者，能扞大患，無使日蹙地百里，則史官謹書其蹟，以昭告於來世。語曰：雖有挈瓶之智，守不假器，國者神器，典章者法器，職方之圖，司農之冊，兵家權謀作戰之書，藏之惟恐不深，保之惟恐不力。即入人國，苟係繫其民，不若先攬是焉以爲寶，是故蕭何之智，遠過項籍。虜知殘我疆，不能必得志於吾民，故索體國經野之書而不獲，則揲文化之軸以走其邦，徐以愚我民。中國朝野上下，苟能自保其文化以資敵者，其與藉寇兵而齎盜糧無以異。八年之中，禹城淪於敵，典書者，不蹈是罟，幾何人？此所謂喪其守者也。記不云乎？凡事豫則立，不預則廢，事至而爲之備，患生而爲之防，則無及矣。吟秋燭幾於其先，可不謂之智乎哉？余故樂得而書之。讀者苟以吾言爲有所予奪也，則吾文固三百篇中所謂變風變雅之倫焉。中華民國三十五年夏正重九日吳江金天翮撰。

## (二) 書目題詞

我國抗戰八年，敵騎所過，文物未遭煨燼者幾希？吳中夙爲東南文化中心，學人會萃，淪陷後，風流雲散。幸滄浪亭圖書館舊存善本書，及先賢手澤，文獻資料，賴蔣館長吟秋苦心維護，移藏山廬，卒慶全璧。僕萬里還鄉，目覩劫餘社會，不禁長嘆，及觀斯館，依然鄰架琳琅，復承吟秋出示新編書目，又不勝雀躍。吟秋與其同人，艱苦備嘗，功在文化，

敬誌潛德，以待後之學者。民國三十五年九月汪懋祖題。

(三) 可園詩錄

重入可園感懷 三十四年九月二十五日

蔣鏡寰 吟秋

不到可園已八年，重來舊館亦前緣。刪除蔓草開荒徑，收拾叢殘認蠹編；壁上留題人去久，花間訪古石生妍：浩歌亭畔秋如畫，獨立蒼茫一愴然！

丙戌春日盧彬士約游可園觀紅梅時兵後館宇初復與蔣吟秋館長鏡寰徐甥湛秋治本談恢復事久坐而歸作詩寄彬士

陳任孟公

新柳未綠東風屏，滄浪一水清且漣，可園觀書頗納客，插架萬卷疑卿嬪，入門清池照顏鬟，畫廊歷劫猶回環。梅花繞屋數十本，綠白紛雜成一寰，就中一樹獨離立，冰霜煉作胭脂殷。有如畫士繪春色，紅裳一女嬌可憐，嫣然臨水若顧影，欲摹難續羅虬篇。憶昔斯間設講座，此花曾結詩書緣，故人零落却已盡，我最後生今霜顛。盧郎邀我早來看，直愁風雨遭摧殘，倚蘭欲共索笑語，自慚老醜將何言？蔣詡開徑復管領，收拾放紛還舊觀，徐甥亦能勤厥職，洞庭一舸頻往還。寇亂時館書皆移藏洞庭東西山縱談今昔如俄頃，對花宛轉增悲歎，徘徊花底

不忍去，寫詩記事投玉川。

吟秋館長於日寇將至蘇時移館藏善本圖書分寄東西兩山祕藏八載今於抗戰勝利後八閱

月始得全部運回歸藏完好無缺詩以誌幸

盧文炳  
倚廬

國府還都日，珍藏復庫時。書城仍管領，屋壁幸留遺；合浦珠猶在，娜嬪卷再披；殊勛酬柱史，應有紀功碑。

丁亥三月十六日看梅之約以事未果小詩奉報吟秋先生

潘昌煦  
白笙

可園依舊賞芳菲，更話前塵到翠微。香火有緣尋象教，圖書無恙問龍威，驚濤尙憶潛裝去，連軻渾如奏凱歸；一樣東齋餘片土，舞衫歌扇景全非。

#### (四) 省令特載

江蘇省政府訓令三五府敎三字第<sup>四</sup>七四號中華民國三十五年六月十一日 令省立蘇州圖書館

據報該館移藏圖書全部運回保管人員請予獎勵一節令仰知照由

教育廳案呈，以據該館呈報略稱：抗戰之初，職館爲求圖書安全起見，於二十六年八九月間，冒險搶運重要圖籍，包裝四十八箱，分儲距城百里外之洞庭東西兩山，派員妥慎保管。八年以來，備受敵偽威脅利誘，百計維護，始終未懈。現此項圖書，業已分批運回，全無損失，予獎勵，以昭獎勵等情。據此，查該館館長蔣鏡寰，移藏圖書，處理有方。保管主任徐治本，保管員周知辛陳嘯秋聞達任安等五人，忠誠盡職，保管得宜，均堪嘉尚。合亟傳令嘉獎，以昭激勸。仰即知照，並轉行知照。此令！

江蘇省政府主席王懋功  
教育廳廳長陳石珍

上海图书馆藏书



A541 212 0014 5095B

# 萃盛祥印刷所

地址：蘇州府前街六十號  
電話：一〇二七

